



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. III. De Avocatis.

[urn:nbn:de:hbz:466:1-74413](#)

cari non debet, neque par à pari. *Except. XXIII.* falsa est in eo, quod dicit Christianum ab Ecclesiastico Judice judicari debere. Sumptra est è quodam loco PAULI male intellectio. *Except. XXV.* exolevit; sumitur ex Legibus, quae olim Actori ac Reo permittebant Causam apud Judicem Ecclesiasticum deferre.

Except. XXVI. Continet Exceptionem in gratiam Officialium Sedis Apostolicæ, quæ restringenda videatur ad casum delicti circa ipsorum Officium.

Except. XXVII. Jus Patronatus inter Causas mērè Ecclesiasticas numerat, quod falsum est, quod Possefiorum. *Except. XXVIII.* quæ reservat Pontifici cognitionem Controversiarum circa Religionem, non ubique obtinet, saltem quod primam instantiam. Idem est de Causis privilegii, quæ ratione Possefiorum ad alios Judges, quām Pontificem, pertinent.

Except. XXIX. Controversia circa Natalia, cùm sunt incidentes in negotiis Civilibus, hodiè definitur ab eo, qui de Principali judicat.

Except. XXX. Multa deinceps Autor dicit in Replicationibus generalibus, nec non in Duplicationibus, quæ remittenda fuissent ad *Cap. IX.* ubi agit de *Exceptionibus dilatoris*, & *Cap. X.* ubi loquitur de Reconventione; ibi quippe sedem naturalem habent, idèoque nostras Observationses circa ipsa illuc rejicimus, ad vitandas iterationes, in quas lapsus est. Quod dicit in Replicatione *Prima*, non est in usu; nam, si plures Personæ diversarum Provinciarum Incole, alia ab aliis mutuo fundum vindicent, Judge loci, in quo situs est, de Controversiā cognoscit. Si de crimine agatur ab ejusmodi Personis admisso, Judge loci, in quo patratum fuit, illius notionem habet.

Perinde est de casu expresso in *Secunda*, scilicet Judge, qui negotium audire ceperit, ejus notionem habet, quamvis Reus Jurisdictionem mutaverit post citationem: nec non de eo, quo fundus alienatur Judicij mutandi causa, quā tamen alienatione non obstante, negotium ad priorem Judicem pertinet.

Quod dicit in Replicatione *Quarta*, expositum fuit in *Exceptione XXI.* Quidquid dicit in Replicatione *Quinta*, ad hoc redigitur; scilicet, Ecclesiastico Judge negligente aut recusante justitiam reddere, judicium ad Superiorum Ecclesiasticum, non verò ad Judicem Sæcularem devolvitur. Falsa est & contraaria rebus precedentibus Replicatio, quæ dicitur, extare casus, in quibus declinari potest Ecclesiastica Jurisdictione. Præterea, ut observatum fuit circa *Except. XXV.* hodiè non licet Causas ad Ecclesiasticum Judicem deferre, quoties libuerit, & in quocumque eorum statu.

Jam diximus in *Except. XX.* esse Causas Ecclesiasticas incidentes, quæ definitur à Judge Sæculari: contrarium asseritur in Replicatione *Septima*. Pro certo affirmat in *Ottava*, Clericum privilegio fori nunquam renuntiare posse; presertim tamen, ob hanc Renuntiationem, magna copia negotiorum olim Judge Ecclesiastico obnoxiorum, ad Judicem Sæcularem transit.

In *Nona*, Quinque casus assignat, in quibus prorogatio Jurisdictionis Judicis à Partibus non habet locum; eò notabiliores illi sunt, quod hæc prorogatio Juri Communi adversatur.

Quod dicit in Replicatione *Undecima*, Exceptionem declinatoriam proponi debere antè contestationem litis, ut plurimum verum est.

Exceptiones XXX. docent Replications cum Duplicationibus, quibus Autor doctrinam suam circa Competentiam Judicem exponit. Reduci potuissent ad quatuor hujus Competentiae causas, de quibus loquitur *Cap. 20. de For. compet.* Seorsim expostâ Regula cum suis Exceptionibus, ordo sincerus ac perspicuus fuisset, hac ratione multas iterationes vitavisset, & aliena resecuisset; faciliorem præterea disputationis hujus intellectum præstisset, captuique Studiosorum accommodavisset, qui eam nullo negotio memoria mandavissent.

QUEST. III. de OFFICIS JUDICUM.

De quibusdam illorum Officiorum tantum loquitur, que singula suis Regulis seorsim tradit: omnia simul colligenda erant, subque unicâ Regulâ collocanda. Quod dicit in *Quarta*, Priorem EXTRAVAG. COMMUN. de Hæreticis, derogare Legi, quæ præcipit Judicii litis informationem, reservatâ sibi Sententiâ, committenti, ut assistat contestationi Causa, medio informationis, & fini, restringendum est ad Casum Hæreseos, de quo loquitur; quo in casu jubet, ut, si Judicis occupationes eum ita distineant, ut informationi ter interesse nequeat, sufficiet, ut semel adsit.

OBSERVATIONES in CAP. III. de ADVOCATIS.

Propositâ REGULA Monachos & Clericos ab Advocatis Munere excludi, Autor *Exceptiones VII.* subjicit: sed Canones, quos laudat in his Exceptionibus, loquuntur solùm de Clericis; extensio autem à Clericis ad Monachos peccat: hoc enim Officium minus Monachis convenit, quām Clericis. Præterea, Canones, qui illud Monachis aliquandò concedunt, loquuntur solùm de casu, in quo Monasterii utilitas & Abbas id præcipiunt. *Can. 35. CAUS. XVI.* Quest. V. duas regulas magni momenti omittit, 1. hac in re perinde esse de Canonis Regularibus, ac de Monachis. *Cap. 2. de postulando.* 2. In eodem argumento postulacionem permitti omnibus, quibus nominatim non interdicuntur.

Tres afferunt *Exceptiones generales Legum*, quæ Munus Advocati quibusdam personis nominatim interdicunt; 1. Si pro suis negotiis postulaverint; 2. Si pro Patre, Patrono, similibus personis: 3. Si ex Superiorum iusfu. Porro, haec *Exceptiones* locum habere non videntur, quoad Excommunicatos, nisi Rei fuerint in Causa; quippe, qui in judicio stare non possint, nisi quatenus Rei. Regula autem docet, neminem alieno nomine facere posse, quod suo nequit. *67. de Reg. Jur. in 6.*

Quoad *Tertiam*, ea locum habere potest, si Superior, qui præcipit Excommunicato, ut pro aliis postulet, habeat jus dispensandi cum Excommunicatis, à Canonibus, qui eos, nisi Rei fuerint, in Judicio stare vetant. Cùm Excommunicatio non fortius effectum in Foro exteriori, nisi postquam denuntiata fuit; ad Excommunicatos denuntiatos restringendum est, quod hic de Excommunicatis dicit. REGULA III. *Quæstionis III.* loquitur de casu, in quo quis, ex Superioris iusfu, postulandi Munus pro aliquo suscipit; quod fit ubi hic Advocatum non habet.

Quod dicit in *Quæstione V.* peculiare est Clericis Advocati Munus obueniibus: Dignitas Status Clericalis exigit, ut Officio gratis fungantur.

OBSERVATIONES in CAP. XIV. de PROCURATORIBUS.

CAPUT hoc inchoat ab *Exceptionibus*, quarum plerique numero famulatu Replications, Duplicationum, Triplicationum stipantur, quæ tenebras potius, quām lucem, pariunt.

Cum *Exceptiones* supponant Regulas, aliquot in fronte Capitis collocare debuisset, subjectis duntaxat iis *Exceptionibus*, quæ congrue fuissent; si nihil Autori circa nomen Procuratoris suppeditabat, hujus saltum verbi Definitionem dare debuisset, talemque ut Procuratori cuilibet conveniret: inde transire ad variis species tam generatim, quām signatim, cum *Exceptionibus* singularium, si quæ fuissent, exponendas. Sic ex indigestâ congerie regulare adficiun struxisset.

I. *Regula Generalis* indicat personas, quæ possunt esse Procuratores: eas nempe, quæ à Legibus non excluduntur: Autor id supponit in omnibus *Exceptionibus*, quæ Personarum à Procuratoris Munere prohibitarum mentionem faciunt. Idem facit erga cateras, quorum *Exceptiones* refert: exempla dabimus in Observationibus circa *Exceptiones* notabiliores, eas maxi-